

## DESKRISAUN BA POZISAUN

### Livelihoods Project Officer

Titulu pozisaun	Livelihoods Project Officer
Lokalizaun	Manatuto (pozisaun 1)
Relata ba	Senior Livelihoods and Marketing Project Officer
Grau	Grau 4 step 1
Salariu	US \$595 kada fulan
Tipu pozisaun	Tinan 1
Data komesa/durasaun	1 Abril, 2023

## 1. Konaba CARE Internasionál iha Timor-Leste

### 1.1 Konaba CARE

CARE hanesan organizasaun internasionál ba dezenvolvimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efektivu ida atu kria impaktu ba dezenvolvimentu ne'ebé sustentavel.

Asegura moris di'ak no rona fetu no labarik fetu sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Fetu sira-nia Ekonómia, Saúde no promove Fetu sira-nia Lian iha sosiedade liu husi programa dezenvolvimentu no umanitariu sira.

### 1.2 Konaba programa

CARE Internasionál iha Timor-Leste atu implementa estensaun ba Programa Edukasaun no Nutrisaun – HATUTAN, ho finansiamentu husi governu amerikanu liu Departamentu Agrikultura Estados Unidos (USDA). Programa HATUTAN atu hari'i pareseria entre eskola ho ninia komidade hodi apoiu labarik sira aprende lee, no hadi'ak pratika saúde (nutrisaun no ijiene ba labarik no adultu sira iha munisípiu ka rejiaun Ainaro, Ermera, Oé-cusse no Manatuto. Ministériu Edukasaun, Juventude no Desportu (MEJD) mak lidera parseiru governu nian ho HATUTAN atu

hametin labarik nia abilidade lee iha pré-eskola no ensinu báziku, apoiu ba nutrisaun no hala'ó implementasaun kompletu ba governu nia programa merenda skolár. Programa HATUTAN mos servisu iha kolaborasaun ho Ministériu Saúde (MS), Ministériu Administrasaun Estatal (MAE) no Ministériu Agrikultura no Peskas (MAP).

## 2. Knaar

**KNAAR SENTRÁL POZISAUN:** Pozisaun nu'udar Ofisiál Projetu *Livelihoods* sei apoia ba implementasaun atividade okupasaun nian uza abordajen Agrikultór Eskola Kampu no Negósiu nian (*Farmer Field Business School - FFBS*); abordajen ida ne'ebé integradu, bazeia ba merkadu no transformativu jéneru iha atividade estensaun, ba Grupu To'os-na'in sira atu hadi'a fornimentu ai-han nutritivu ba eskola sira hodi uza ba programa merenda skolár. HATUTAN hakarak atu hasa'e produtividade, inkluziun, no lukru di'ak ba produktu nutritivu to'os-na'in lokál sira nian mak hanesan fonte proteína liuhosi animál ka ai-horis, ne'ebé inklui fore, koto no produktu ortikultura sira seluk hodi fornese ba Programa Merenda Eskolár nasional. Ne'ebé sei envolve servisu hamutuk ho membru Grupu-Rai-Empresta-Osan sira iha munisípiu Ainaro no Manatuto, liuhosi abordajen Agrikultór Eskola Kampu no Negósiu nian (FFBS) hodi hasa'e kuantidade no qualidade produktu; promove nutrisaun di'ak iha uma-laran no eskola sira; promove empoderamentu fetu no igualdade jéneru; fornese asesu literasia finanseira báziku; merkadoria kolektiva; no fasilita ligasaun merkadu ho eskola sira. Pozisaun ne'e nia baze mak iha Manatuto ho viajen ba Dili no fatin sira seluk programa nian.

### **RESPONSABILIDADE: planeamentu, organiza no implementasaun Agrikultór Eskola Kampu no Negósiu nian (FFBS) (30%)**

- Mobiliza no motiva membru Grupu-Rai-Empresta-Osan sira, liu-liu fetu, ne'ebé iha interese atu hasa'e produtividade ba produktu ruma hodi forma Grupu To'os-na'in nian.
- Apoia Grupu To'os-na'in sira at forma Grupu Produtór no Merkadoria nian ka kooperativa, halo ligasaun ba eskola sira no liga sira ba Sekretariadu Estadu ba Kooperativa (SECoop) atu asesu ba merkadu foun sira, kapitál (osan inan) hodi hasa'e produsaun no hetan oportunidade ba treinamentu sira.
- Fornese treinamentu ba to'os-na'in sira konabá oinsá atu uza adaptasaun téknika agrikultura komunitária ne'ebé rezilente no adapta ba klima liuhosi fatin demonstrasaun sira, no identifika barreira ruma ba partisipasaun fetu iha treinamentu.
- Promove métodu agrikultura sustentavel hodi halakon pratika tesi no sunu ai arbiru.
- Fasilita ligasaun entre grupu to'os-na'in sira ho programa merenda skolár.
- Apoia ba produsaun no prosesamentu ai-han ho nutrisaun aas hodi fa'an ba eskola sira, liu-liu vitamina A iha sabraka midar, fehuk (kór laranja), kankun, modo ho koto, fore, no manu-tolun atu hadi'a konsumu proteína.
- Identifika maneira sira ba to'os-na'in sira atu bele asesu ba informasaun predisaun klimátika hodi foti desizaun.

### **Formasaun (25%)**

- Identifika no fornese treinamentu ba Fasilitadór sira (pesoál, parseiru ka Ajente Aldeia nian) iha nivel comunidade hodi apoia ba to'os-na'in sira iha FFBS.
- Fornese treinamentu uza FFBS nia enkuadramentu.

- Dezenvolve abilidade to'os-na'in nian atu koko no adapta ba ideia no teknolojia foun sira konabá nutrisaun sustentavel no Agrikultura ne'ebé Matenek ba Klima.
- Uza fatin demonstrasaun sira ho to'os-na'in potenciál sira atu adopta pratika no produktu foun sira.
- Identifika problema sira no propoin solusaun ba to'os-na'in sira atu bele adopta pratika agrikultura ho di'ak liután.

### **Monitorizasaun, Aprendizajen no halo Relatóriu (30%)**

- Hala'o vizita terrenu regulár ba fatin demonstrasaun sira no grupu to'os-na'in sira no observa efektividade no implementasaun tuir tempu.
- Ajuda dezenvolve planu no ferramentu sira monitorizasaun nian.
- Identifika no rejista progresu sira husi grupu to'os-na'in FFBS, mudansa ba pratika agrikultura ne'ebé di'ak.
- Organiza enkontru trimestrál ho pesoál terrenu no parseiru sira atu avalia dezempeñu iha nivel comunidade.
- Konsolida no hakerek relatóriu mensál, trimestrál no anuál sira, inklui istória susesu no lisaun hirak ne'ebé aprende ona.

### **RESPONSABILIDADE SIRA SELUK:**

- Hala'o knaar tuir mandatu husi supervizór.
- Partisipa iha preparasaun emerjénsia no assiste iha resposta emerjénsia ruma bainhira presiza.
- Promove ambiente serbisu ne'ebé seguru no saudavel; haburas kultura konxiénsia konabá seguru no seguransa no halo tuir beibeik CARE nia polítika seguru no seguransa, prosedimentu no diretiva sira tomak.
- Hatudu kompromisu ba igualdade jéneru, diversidade no protesaun ba labarik.

## **3. Kriteria ba selesaun**

### **EXPERIÉNSIA NO KUALIFIKASAUN:**

- Lisensiadu Universidade iha área agrikultura, jestaun rekursu naturál ka área relevante ho mínimu tinan 3 esperiénsia servisu iha área kapasitasaun abilidade parseiru nian iha Agrikultura ne'ebé Matenek ba Klima no jestaun bee. (Opsaun seluk: Kompletu eskola sekundáriu ho mínimu tinan 5 esperiénsia servisu relevante.)
- Koñesimentu di'ak no esperiénsia iha dezvoltamentu moris liu agrikultura no esperiénsia estabelese ligasaun ho merkadu iha kadeia valór oi-oin.
- Komprensaun konabá barreira potenciál jéneru nian iha agro-negósiu.
- Komprensaun metodolojia agrikultura sensível ba nutrisaun.
- Koñesimentu prátiku konaba jestaun bee, Agrikultura ne'ebé Matenek ba Klima no irrigasaun.
- Abilidade forte ba servisu hamutuk ho autoridade munisipál..
- Abilidade forte ba negosiasaun, fasilitasaun no influénsia iha comunidade lokál no estrutura munisipál.

- Koñesimentu konaba politika ba agrikultura no irrigasaun no Planu Estratéjiku área agrikultura iha Timor-Leste.
- Koñesimentu prátiku konaba ferramentu partisipatóriu e.g. *Participatory Rural Assessment (PRA)*, nomos programa merenda eskolár.
- Abilidade hakerek no ko'alia iha Lian Tetun no abilidade inglés sai vantajen.
- Abilidade uza komputadór ho programa komún.